

Այդ տեսակ զինուած խմբի ներկայութիւնը պէտք է ենթադրել միմիայն նրանով, որ իւրաքանչիւր առեանդումն անշուշտ հանդիպելու էր ընդհարման և ընդդիմադրութեան: Անա այդ ընդհարումն և ընդդիմադրութիւնն այսօր շատ տեղերում սիմբոլիական ձևերով շարունակում է տեղի ունենալ, յիշեցնելով նախկին արիւնալի կռիւները:

Եթէ հարսը օտար գիւղացի է, սորա համագիւղացիքը փակում են պարանով ճանապարհը փեսայի գիւղից եկած հարսնաբաւորների արշաւախմբի առաջ և մէկը իրենցից առաջ գալով, հրաւիրում է նորեկներին ըմբշակուով: Այստեղ փեսայի ազգականներն ստիպուած են փող նուիրել հարսի համագիւղացի կտրիճներին, որպէսզի սորա վերցընեն պարանը և ճանապարհ տան նորեկ փեսայի խմբին¹⁾: Արդ աւելորդ չի լինիլ առաջ բերել յայտնի ճանապարհորդ պ. Քաջբերունու մի նկարագիրը՝ հարս բերող կտրիճների այդ տեսակ արշաւախմբի մասին: «Կալերի մօտ, մեր ճանապարհի վրայ սպասում էր մեզ առողջ երիտասարդների մի խումբ. նրանցից մինը, չուխան հանած, թևերը վեր քաշած, գլուխը բաց, երեսը վառ, աչքերը փայլուն, այնպիսի մի դիրք էր բռնել, որ կարծես առիւծի նման պէտք է յարձակուի իւր որսի վրայ: Նրա ընկերները առանձին խնամքով նրան բռնած, ծանրաքայլ կերպով յառաջ էին մղում: Տօ, լա, ձիւ բռնէք, ձիւ բռնէք, մէ՛ք՝ ըշկացէք դար մէջքը քանի տեղից կրկուտեմ—ասաց և ձիուց վայր նետուեց մեր խմբից մի առողջ, ուժեղ երիտասարդ: Փօքը էր մնացել, որ երկու ախոյեանները միմեանց կրպչէին, բայց մեր խումբը բռնեց մեր երիտասարդին և ապա հանելով խուրջինից եփած միս, գաթայ, հաց, զինի, յանձնեցին Խաչիկու (գիւղի անունն է) խմբին: Այս սովորութիւնը լինում է այն ժամանակ, երբ մի գիւղից գնում են միւս գիւղը հարս բերելու: Նորահարսի գիւղի ազգաները դուրս գալով հարսնաբաւորների առաջ, կրպահանջեն

¹⁾ Свадебные обычаи ахалцихск. армянъ— „Этнографическое Обозрѣніе, 1889 г. №1.